

ЎЗБЕКИСТОН РЕСПУБЛИКАСИ МУДОФАА ВАЗИРЛИГИ
ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ
ҲУЗУРИДАГИ ДАВЛАТ ТЕСТ МАРКАЗИНИНГ
ҚАРОРИ

355 Муддатли ҳарбий хизматга чақирилаётган чақирилувчилар танловини ўтказиш тартиби тўғрисидаги низомни тасдиқлаш ҳақида

Ўзбекистон Республикаси Адлия вазирлиги томонидан 2016 йил 20 июлда рўйхатдан ўтказилди, рўйхат рақами 2813

Ўзбекистон Республикаси Президентининг 2006 йил 14 январдаги ПҚ–257-сон қарори билан тасдиқланган Ўзбекистон Республикаси фуқаролари томонидан ҳарбий хизматни ўташ тартиби тўғрисидаги низом ва Ўзбекистон Республикаси Вазирлар Маҳкамасининг 2009 йил 14 январдаги 10-сон «Фуқароларни муддатли ҳарбий хизматга йиғиш ва жўнатиш, уларни ҳарбий қисмларда қабул қилиш, шунингдек Ўзбекистон Республикаси Қуролли Кучлари резервига бўшатишган ҳарбий хизматчиларни яшаш жойларига қайтаришни ташкил этиш тизимини такомиллаштириш чора-тадбирлари тўғрисида»ги қарорига мувофиқ Ўзбекистон Республикаси Мудофаа вазирлиги ва Вазирлар Маҳкамаси ҳузуридаги Давлат тест маркази **қарор қилади:**

1. Муддатли ҳарбий хизматга чақирилаётган чақирилувчилар танловини ўтказиш тартиби тўғрисидаги низом иловага мувофиқ тасдиқлансин.
2. Мазкур қарор расмий эълон қилинган кундан эътиборан кучга киради.

Мудофаа вазири

К. БЕРДИЕВ

Тошкент ш.,
2016 йил 26 май,
5-сон

**Вазирлар Маҳкамаси ҳузуридаги
Давлат тест маркази директори**

Ж. ИСМАИЛОВ

Тошкент ш.,
2016 йил 26 май,
15/кк-сон

Ўзбекистон Республикаси
Мудофаа вазирлиги, Вазирлар Маҳкамаси
хузуридаги Давлат тест марказининг
2016 йил 26 майдаги 5, 15/кк-сон қарорига
ИЛОВА

Муддатли ҳарбий хизматга чақирилаётган чақирилувчилар танловини ўтказиш тартиби тўғрисидаги НИЗОМ

Мазкур Низом Ўзбекистон Республикаси Президентининг 2006 йил 14 январдаги ПҚ–257-сон қарори билан тасдиқланган Ўзбекистон Республикаси фуқаролари томонидан ҳарбий хизматни ўташ тартиби тўғрисидаги низом ва Ўзбекистон Республикаси Вазирлар Маҳкамасининг 2009 йил 14 январдаги 10-сон «Фуқароларни муддатли ҳарбий хизматга йиғиш ва жўнатиш, уларни ҳарбий қисмларда қабул қилиш, шунингдек Ўзбекистон Республикаси Қуролли Кучлари резервига бўшатишган ҳарбий хизматчиларни яшаш жойларига қайтаришни ташкил этиш тизимини такомиллаштириш чоратадбирлари тўғрисида»ги қарорига мувофиқ, муддатли ҳарбий хизматга чақирилаётган чақирилувчилар (бундан буён матнда чақирилувчилар деб юритилади) ўртасида танлов ўтказиш тартибини белгилайди.

1-боб. Умумий қоидалар

1. Танлов — бу чақирилувчининг умумжисмоний тайёргарлиги ва билим даражасини аниқлашга қаратилган махсус тадбирлар мажмуасидир.
2. Танлов ўтказишнинг асосий вазифалари қуйидагилардан иборат:
муддатли ҳарбий хизматга чақирилиш учун барча чақирилувчиларга бир хил шарт-шароит яратиш бериш, шунингдек ошкораликни, ижтимоий адолатни ҳамда самарали жамоатчилик назоратини таъминлаш;
муддатли ҳарбий хизматга чақиришда чақирилувчиларнинг билим савиясини ва умумжисмоний тайёргарлик даражасини холисона баҳолаш;
Ўзбекистон Республикаси Қуролли Кучлари таркибини соғлом, интеллектуал салоҳиятли, юксак билимга эга чақирилувчилар билан бутлаш.
3. Чақирилувчиларни муддатли ҳарбий хизматга чақириш Ўзбекистон Республикаси Президентининг қарорига асосан амалга оширилади.
4. Чақирилувчиларни тиббий кўрикдан ўтказиш Вазирлар Маҳкамасининг 2003 йил 21 февралдаги 95-сонли қарори билан тасдиқланган Ўзбекистон Республикаси Қуролли Кучларида тинчлик ва уруш даврида тиббий текширувдан ўтказиш тўғрисидаги низомга асосан ташкил этилади.
5. Туман (шаҳар) қақирув комиссияси чақирилиш муддатини кечиктириш ва чақирилишдан озод этиш ҳуқуқига эга бўлмаган, соғлигининг ҳолатига кўра ҳарбий хизматни ўташга яроқли деб топилган, шунингдек танловда юқори балл тўплаган чақирилувчиларни муддатли ҳарбий хизматга қақирив тўғрисида қарор чиқаради.

2-боб. Танловни ташкил этиш ва ўтказиш

6. Танлов ўрта махсус, касб-хунар таълими ҳудудий бошқармалари ҳамда Ўзбекистон Республикаси Вазирлар Маҳкамаси ҳузуридаги Давлат тест маркази (бундан буён матнда Давлат тест маркази деб юритилади) билан биргаликда мудофаа ишлари бошқармалари ва бўлимлари томонидан ташкил этилади ҳамда ўтказилади.

7. Чақирилувчиларнинг умумжисмоний тайёргарлигини аниқлаш бўйича синовлар 25 сентябрдан келгуси йилнинг 15 январигача ўтказилади. Тест синовлари 10 октябрдан келгуси йилнинг 15 январигача ўтказилади. Йилнинг 16 январидан 21 январига қадар танлов учун захира кунлари белгиланади.

8. Танловга чақирилиш муддатини кечиктириш ва чақирилишдан озод этиш ҳуқуқига эга бўлмаган, соғлигининг ҳолатига кўра ҳарбий хизматни ўташга яроқли деб топилган чақирилувчилар жалб қилинади.

9. Чақирилувчилар ҳар йилги танловда фақат бир марта иштирок этади.

10. Чақирилувчиларнинг умумжисмоний тайёргарлик даражасини баҳолаш мудофаа ишлари бошқармалари ва бўлимлари томонидан, билим даражасини аниқлаш бўйича тест синовлари Давлат тест маркази томонидан туман (шаҳар) ҳокимининг қарори билан белгиланган таълим муассасасларида ўтказилади.

11. Танлов тадбирларига жамоат тартибини сақлаш учун ички ишлар органлари, зарурий ҳолларда тез тиббий ёрдам кўрсатиш ходимлари жалб қилинади.

12. Танлов Ўзбекистон Республикаси Мудофаа вазирлигининг умумий раҳбарлиги остида ташкил этилади ва ўтказилади.

13. Ўзбекистон Республикаси Мудофаа вазирлиги:

июль ойида танловни ташкил этиш бўйича тегишли кўрсатма, шунингдек дастлабки саралаб олиш режасини тайёрлайди ҳамда 15 июлга қадар ҳарбий округ штабларига юборади;

20 сентябрга қадар ҳарбий округ штаблари томонидан тақдим этилган, мазкур Низомнинг 1-иловасига мувофиқ тест синовларини ўтказиш жадвали, мазкур Низомнинг 2-иловасига мувофиқ аудитория раҳбарлари ва кузатувчиларнинг рўйхати, мазкур Низомнинг 3-иловасига мувофиқ тест синовлари ўтказилиши режалаштирилган бинолар тўғрисидаги маълумотларни умумлаштиради ва Давлат тест марказига юборади;

мудофаа ишлари бошқармалари ва бўлимларида танловни ташкил этиш ва ўтказиш билан боғлиқ тадбирларни жойларга бориб ўрғанади ҳамда уларга бу борада амалий ёрдам кўрсатади.

14. Ҳарбий округ штаблари:

Ўзбекистон Республикаси Мудофаа вазирлигининг кўрсатмаси ва дастлабки саралаб олиш режасини олгач, 25 июлга қадар Қорақалпоғистон Республикаси, вилоятлар ва Тошкент шаҳри (бундан буён матнда ҳудудлар деб

юритилади) кесимида мудофаа ишлари бошқармаларининг ҳарбий хизматчилари таркибидан тест синовларини мувофиқлаштирувчиларни тайинлайди, танловни ташкил этиш ва ўтказиш тўғрисидаги ҳарбий округ штабининг буйруғини қабул қилиб, ижро учун мудофаа ишлари бошқармалари (бўлимлари)га юборади;

Ўзбекистон Республикаси Мудофаа вазирлигига 5 сентябрга қадар мазкур Низомнинг 4-иловасига мувофиқ шаклда Тест синовларини мувофиқлаштирувчи сифатида тайинланганлар рўйхатини, шунингдек 10 сентябрга қадар мудофаа ишлари бошқармалари томонидан тақдим этилган тест синовларини ўтказиш жадваллари, аудитория раҳбарлари ва кузатувчиларнинг рўйхатлари ҳамда тест синовлари ўтказилиши режалаштирилган бинолар тўғрисидаги маълумотларни умумлаштириб тақдим этади;

мудофаа ишлари бошқармалари ва бўлимларида танловни ташкил этиш ва ўтказиш билан боғлиқ тадбирларни жойларга бориб ўрганади ҳамда уларга бу борада амалий ёрдам кўрсатади;

октябрь ойининг иккинчи жумасидан бошлаб, кейинчалик ҳафтанинг ҳар жумасида мудофаа ишлари бошқармалари ва бўлимларида ўтказилаётган танлов натижалари ҳақидаги умумлаштирилган маълумотни Ўзбекистон Республикаси Мудофаа вазирлигига танлов якунлангунига қадар тақдим этиб боради.

15. Мудофаа ишлари бошқармалари:

ҳарбий округ штабининг танловни ташкил этиш ва ўтказиш тўғрисидаги буйруғи ҳамда дастлабки саралаб олиш режасини олгач, 1 августга қадар Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига танловни ташкил этиш ва ўтказиш бўйича махсус тадбирлар режасини тасдиқлаш тўғрисида қарор қабул қилишни сўраб муурожаат этади;

махсус тадбирлар режаси тасдиқлангач, унинг нусхасини, шунингдек мудофаа ишлари бошқармасининг тегишли кўрсатмаси ва дастлабки саралаб олиш режасидан кўчирмаларни 5 августга қадар мудофаа ишлари бўлимларига юборади;

5 сентябрга қадар мазкур Низомнинг 5-иловасига мувофиқ шаклда Чақирилувчиларнинг умумжисмоний тайёргарлик даражасини баҳолаш бўйича синовлар ўтказиш жадвалини ишлаб чиқиб, кўчирмасини 10 сентябрга қадар мудофаа ишлари бўлимларига юборади;

мудофаа ишлари бўлимлари томонидан тақдим этилган чақирилувчиларнинг билим даражасини аниқлаш бўйича тест синовларини ўтказиш жадваллари, аудитория раҳбарлари ва кузатувчиларининг рўйхатлари ҳамда тест синовлари ўтказилиши режалаштирилган бинолар тўғрисидаги маълумотларни умумлаштириб 5 сентябрга қадар ҳарбий округ штабига тақдим этади;

танловга жалб этилган чақирилувчиларнинг умумжисмоний тайёргарлик даражасини баҳолаш тадбирларини ташкил этади ва ўтказиш;

тест синовларини мувофиқлаштирувчилар билан биргаликда чақирилувчиларнинг билим даражасини аниқлаш бўйича тест синовларини ташкил этади ва ўтказиш;

Давлат тест марказидан олинган тест синовлари натижаларини мудофаа ишлари бўлимларига етказди;

октябрь ойининг иккинчи жумасидан бошлаб, кейинчалик ҳафтанинг ҳар жумасида мудофаа ишлари бошқармалари ва бўлимларида ўтказилаётган танлов натижалари ҳақидаги умумлаштирилган маълумотни танлов якунлангунига қадар ҳарбий округ штабига тақдим этиб боради.

16. Мудофаа ишлари бўлимлари:

1 августдан 30 августга қадар чақирилувчиларнинг шахсий йиғмажилдларига мувофиқ чақирув ресурсларини ўрганади;

10 августга қадар туман (шаҳар) ҳокимлигига танловни ташкил этиш ва ўтказиш бўйича махсус тадбирлар режасини тасдиқлаш тўғрисида қарор қабул қилишни сўраб мурожаат этади;

1 сентябрга қадар чақирилувчиларнинг билим даражасини аниқлаш бўйича тест синовларини ўтказиш жадваллари, аудитория раҳбарлари ва кузатувчиларнинг рўйхатлари ҳамда тест синовлари ўтказилиши режалаштирилган бинолар тўғрисидаги маълумотни мудофаа ишлари бошқармасига юборади, мазкур Низомнинг 6-иловасида келтирилган Муддатли ҳарбий хизматга чақириладиган чақирилувчига эслатмани мудофаа ишлари бўлими ҳудудидаги фуқаролар учун қулай ва кўринарли жойга осиб қўяди ҳамда мазкур Низомнинг 7-иловасига мувофиқ шаклда Чақирилувчиларнинг умумжисмоний тайёргарлик даражасини баҳолаш бўйича рўйхат тузади;

мудофаа ишлари бошқармаси билан ҳамкорликда чақирилувчиларнинг умумжисмоний тайёргарлик даражасини аниқлаш бўйича синовларни ташкил этади ва ўтказди;

тест синови ўтказиладиган кундан 10 кун олдин мазкур Низомнинг 8-иловасига мувофиқ Тест синовида қатнашувчи чақирилувчиларнинг рўйхатини ёзма ва электрон шаклда тест синовларини мувофиқлаштирувчи орқали Давлат тест марказига тақдим этади ҳамда мудофаа ишлари бўлими ҳудудидаги фуқаролар учун қулай ва кўринарли жойга осиб қўяди;

чақирилувчилар ва уларнинг ота-оналари билан танловнинг ташкил этилиши ва ўтказилиши билан боғлиқ тарғибот-ташвиқот ҳамда тушунтириш ишлари олиб боради;

чақирилувчиларнинг титул варақаларини расмийлаштиради, чақирилувчиларни чақирилувчилар рўйхатига мувофиқ тест синовларига тўлиқ етиб келишларини таъминлайди, тест синовлари ўтказиладиган кундан бир кун олдин чақирилувчининг рухсатномасини чақирилувчиларга тарқатади;

йилнинг 30 январига мазкур Низомнинг 9-иловасига мувофиқ икки нусхада Танлов натижаларининг якуний рўйхатини тузади ҳамда унинг биринчи нусхасини мудофаа ишлари бўлими ҳудудидаги фуқаролар учун қулай ва кўринарли жойга осиб қўяди, иккинчи нусхаси эса мудофаа ишлари бўлимида юритиладиган тегишли жилдга тикилади;

мазкур Низомнинг 10-иловасига мувофиқ муддатли ҳарбий хизматга танлов варақасини расмийлаштиради. Чақирилувчиларнинг якуний рўйхатда қайд этилган тартиб рақами уларнинг танлов варақасига ёзиб қўйилади;

танлов натижалари тўғрисидаги маълумотни чақирув комиссиясига тақдим этади.

17. Давлат тест маркази:

тест материаллари сифатли тайёрланишини таъминлайди;

Давлат тест маркази вакиллари, ҳарбий округ штаби томонидан ҳудудларга тайинланган тест синовларини мувофиқлаштирувчилар, аудитория раҳбарлари ва кузатувчилари билан семинар машғулотларини ташкил этади ва ўтказида;

таълим муассасалари, маҳаллий давлат ҳокимияти органлари, Давлат тест маркази вакиллари, тест синовларини мувофиқлаштирувчилар, аудитория раҳбарлари ва кузатувчиларни махсус йўриқномалар билан таъминлайди;

Ўзбекистон Республикаси Мудофаа вазирлиги томонидан белгиланган миқдордаги тест материалларини тест ўтказиладиган кундан уч кун олдин мудофаа ишлари бошқармаларига Давлат фелдъегерлик хизмати орқали, Тошкент шаҳри ва Тошкент вилоятида эса тест синовларини мувофиқлаштирувчи орқали етказида;

чақирилувчиларнинг билим даражасини аниқлаш бўйича ташкил этилган тест синовларини назорат қилади ва мудофаа ишлари бошқармалари ва бўлимларига амалий ёрдам кўрсатади.

18. Муддатли ҳарбий хизматга чақириш мудофаа ишлари бўлимига муддатли ҳарбий хизматга юбориш учун белгилаб берилган режа ва унга ўн фоиз қўшимча миқдоридаги чақирилувчилар сонидан келиб чиққан ҳолда танлов натижаларига кўра юқорироқ балл тўплаган чақирилувчилар ҳисобидан амалга оширилади.

3-боб. Чақирилувчиларнинг умумжисмоний тайёргарлик даражасини баҳолаш

1-§. Умумий қоидалар

19. Чақирилувчиларнинг умумжисмоний тайёргарлиги даражаси уларнинг мазкур бобда назарда тутилган тегишли нормативларни бажаришини текшириш орқали баҳоланади.

20. Чақирилувчиларнинг умумжисмоний тайёргарлик даражасини баҳолаш мудофаа ишлари бошқармасининг вакили раҳбарлигида мудофаа ишлари бўлими ҳамда умумтаълим ёки ўрта махсус, касб-ҳунар таълими муассасаларининг мутахассислари томонидан ўтказилади.

21. Чақирилувчиларга дастлаб нормативларни бажаришга қўйиладиган талаблар ва мезонлар ҳамда уларни бажариш тартиби умумтаълим ёки ўрта махсус, касб-ҳунар таълими муассасаларининг мутахассиси томонидан тунтирилади.

22. Умумжисмоний тайёргарлик даражасини аниқлаш бўйича синовларда мудофаа ишлари бўлими қошидаги чақирув тиббий комиссияси томонидан ҳарбий хизматни ўташга яроқли деб топилган чақирилувчилар қатнашади.

23. Чақирилувчилар умумжисмоний тайёргарлик даражасини аниқлаш бўйича синовларга спорт кийимида келишлари лозим.

24. Чақирилувчиларнинг умумжисмоний тайёргарлик даражаси 15 балл шкала бўйича баҳоланиб, ҳар бир нормативга «аъло» баҳо учун — 5 балл, «яхши» баҳо учун — 4 балл, «қониқарли» баҳо учун — 3 балл берилади, «қониқарсиз» баҳо учун балл берилмайди.

25. Чақирилувчилар қуйидаги кетма-кетликда умумжисмоний нормативларни бажаради:

- турникда тортилиш;
- 100 метрга югуриш;
- 3 000 метрга югуриш.

26. Белгиланган барча турдаги умумжисмоний нормативлар бир кунда бажарилади.

Нормативлар оралиғида чақирилувчиларга дам олиш учун камида 10 дақиқа вақт берилади.

27. Белгиланган нормативларни узрсиз сабабларга қўра топширмаган ёхуд топширишдан бош тортган чақирилувчиларга балл берилмайди.

28. Умумжисмоний нормативларнинг бирортасидан «қониқарсиз» баҳо олган чақирилувчи тест синовларига киритилмайди.

2-§. Умумжисмоний нормативларни бажаришга қўйиладиган талаблар ва мезонлар

29. Турникда тортилиш нормативини бажаришда:

қўл кафтлари турникда олдинга қаратилган ҳолда ушланади, тана бироз ростланади, тизза бўғими тўғриланади, оёқ учлари чўзилади, товонлар бирлаштирилади;

ияк турник устига тўлиқ ўтгунга қадар қўллар букилади;

ҳаракат тўлиқ амалга оширилиши билан дастлабки ҳолатга қайтилади (осилиш ҳолати 1-2 сония давом этади).

Ушбу нормативни бажаришда оёқларни кериш, танани ҳаракатсиз ҳолатда эгиш ҳамда оёқлар билан силтанма ҳаракатлар қилиш тақиқланади.

Жуфт тутилган оёқларни 45⁰ гача букишга рухсат берилади.

30. Турникда тортилиш нормативи қуйидагича баҳоланади:

11 маротаба ва ундан кўп тортилганда — «аъло»;

9-10 маротаба тортилганда — «яхши»;

6 — 8 маротаба тортилганда — «қониқарли»;

1 — 5 маротаба ёхуд умуман тортила олмаганда — «қониқарсиз» деб топилади.

31. 100 метрга югуриш нормативи:

юқори ёки қуйи стартдан амалга оширилади;

стадионнинг югуриш йўлакчаси қаттиқ, қопламаси текис жойларда ўтказилади.

32. 100 метрга югуриш нормативи қуйидагича баҳоланади:

14,2 сония ичида бажарган тақдирда — «аъло»;

14,3 — 14,6 сония ичида бажарган тақдирда — «яхши»;

14,7 — 15,8 сония ичида бажарган тақдирда — «қониқарли»;

15,9 сония ва ундан кўп вақтда бажарган тақдирда — «қониқарсиз» деб баҳоланади.

33. 3000 метрга югуриш нормативи стадионнинг югуриш йўлакчалари ёки текис жойларда, умумий ёки алоҳида старт берилган ҳолда ўтказилади. Старт ва марра чизиқлари бир жойда белгиланиши мумкин.

3000 метрга югуриш нормативини бажариш вақтида йўлакчаларни кесиб ўтиш ва юриб ҳаракатланиш тақиқланади.

34. 3000 метрга югуриш нормативи қуйидагича баҳоланади:

12,45 дақиқа ичида бажарган тақдирда — «аъло»;

12,46 — 13,0 дақиқа ичида бажарган тақдирда — «яхши»;

13,1 — 13,35 дақиқа ичида бажарган тақдирда — «қониқарли»;

13,36 дақиқа ва ундан юқори вақтда бажарган тақдирда — «қониқарсиз» деб баҳоланади.

35. Умумжисмоний тайёргарлик синовларида биринчи марта қониқарсиз баҳоланган чақирилувчиларга навбатдаги умумжисмоний тайёргарлик синовларида тегишли нормативни яна бир марта қайта топширишга рухсат берилади.

36. Белгиланган муддатда узрли сабабларга кўра қатнашмаган чақирилувчилар учун қўшимча умумжисмоний тайёргарлик синовлари захира кунлари мудофаа ишлари бошқармаларида ўтказилади.

Қуйидагилар узрли сабаб ҳисобланади:

чақирилувчининг синовларга келишига имкон бермаган касаллиги;

яқин қариндошининг (қариндош ёки қуда томондан қариндош бўлган шахслар, яъни ота-она, туғишган ва ўғай ака-ука ва опа-сингиллар, хотин, фарзанд, бобо, буви, шунингдек хотиннинг ота-онаси, туғишган ва ўғай ака-ука ва опа-сингиллари) вафот этганлиги ёки оғир касаллиги;

чақирилувчига боғлиқ бўлмаган ҳолда унинг синовларга келишига имкон бермаган табиий офат ёки бошқа ҳолатлар.

3-§. Умумжисмоний тайёргарлик синови натижаларини расмийлаштириш

37. Умумжисмоний тайёргарлик синовларининг натижалари мазкур Низомнинг 7-иловасига мувофиқ шаклдаги рўйхатга киритилади. Рўйхат мудофаа ишлари бошқармасининг вакили, мудофаа ишлари бўлими ҳамда умумтаълим ёки ўрта махсус, касб-хунар таълими муассасасининг мутахассислари томонидан имзоланади.

38. Рўйхатда кўрсатилган баҳолар синов ўтказилган куни чақирилувчиларга ўқиб эшиттирилади ҳамда рўйхат чақирилувчилар томонидан имзоланади.

39. Рўйхат мудофаа ишлари бўлимида 2 йил давомида сақланади, сўнгра ўрнатилган тартибда йўқ қилинади.

40. Умумжисмоний тайёргарлик синови натижасидан норози бўлган чақирилувчи умумжисмоний тайёргарлик синовлари натижаси эълон қилингандан кейин уч иш куни давомида мудофаа ишлари бошқармаси бошлиғи номига ёзма равишда шикоят бериш ҳуқуқига эга.

41. Мудофаа ишлари бошқармалари умумжисмоний тайёргарлик синовлари натижаларидан норози бўлган чақирилувчилар рўйхатини шакллантириб, уларни навбатдаги умумжисмоний тайёргарлик синовларида синовдан ўтказди ва натижалари бўйича чақирилувчиларга ёзма равишда асослангандир.

4-боб. Чақирилувчиларнинг билим даражасини аниқлаш

42. Чақирилувчиларнинг билим даражасини аниқлаш мақсадида тест синовлари ўтказиладиган бино ва аудиториялар тайёрланади.

43. Биноларни тест синовларига тайёрлаш бўйича жавобгарлик туман (шаҳар) ҳокимининг қарорига асосан бириктирилган таълим муассасаси зиммасига юклатилади.

44. Ҳар бир аудиториядаги ўринлар сони 30 ёки 60 нафар кишига мўлжалланган бўлиши шарт. Аудиториялар етарли миқдордаги столлар, стуллар, тест материалларини тарқатиш ва қабул қилиш учун алоҳида стол билан таъминланган бўлиши лозим.

45. Ҳарбий округ штаби буйруғи асосида тест синовини ташкил этиш ва ўтказиш учун ҳудудлар бўйича камида бир нафардан тест синовларини мувофиқлаштирувчи тайинланади. Мудофаа ишлари бошқармаларида тест синовларини мувофиқлаштирувчи учун тест материалларини сақлашга алоҳида хона ва сейф ажратилади.

46. Тест синовларини мувофиқлаштирувчи тест материалларини мудофаа ишлари бошқармаларидан, Тошкент шаҳри ва Тошкент вилоятидан тайинланган мувофиқлаштирувчилар Давлат тест марказидан қабул қилиб олиш, тест синовлари ўтказиладиган бинога олиб бориш ва олиб келиш учун масъулдир.

47. Тест топширишга рухсат берилган чақирилувчилар тест синовлари ўтказиладиган бинога мазкур Низомнинг 11-иловасига мувофиқ Давлат тест маркази томонидан тақдим этилган Тест синовларида қатнашувчи чақирилувчиларнинг аудитория рўйхатига асосан фуқаролик паспорти ва чақирилувчи рухсатномаси билан киритилади.

48. Чақирилувчилар тест синовлари бошланишидан олдин 30 дақиқа мобайнида жавоблар варақасини тўлдириш тартиби билан таништирилади ва жавоблар варақасининг тегишли жойига ўзлари тўғрисидаги тегишли маълумотларни киритади. Ушбу жараён учун ажратилган вақт тест ўтказиш учун белгиланган вақт меъёрига кирмайди.

49. Тест синови ўтказиладиган кун учун шакллантирилган рўйхатда мавжуд бўлган, бироқ тест синовларига узрсиз сабабларга кўра келмаган чақирилувчилар учун қўшимча тест синови ўтказилмайди.

Ўзрли сабабларга кўра қатнашмаган чақирилувчилар учун қўшимча тест синовлари жадвалда белгиланган захира кунларида ўтказилади. Бундай ҳолатларда мудофаа ишлари бошқармалари ушбу чақирилувчиларнинг рўйхатини шакллантириб тест синовига қатнашмаганлик сабабини кўрсатган ҳолда Ўзбекистон Республикаси Мудофаа вазирлиги орқали Давлат тест марказига 3 кун олдин такдим этади. Ўзрли сабаблар рўйхати мазкур Низомнинг 36-бандига мувофиқ белгиланади.

50. Тест синовлари бошланганидан кейин аудиторияга тест синовлари ўтказилишига масъул бўлган шахслардан бошқа ҳеч ким киритилмайди ва чақирилувчилар билан тест саволлари бўйича савол-жавоблар ўтказилмайди.

51. Тест синовлари қуйидаги фанлардан ўтказилади ва ҳар бир тўғри жавобга 1 балл берилади:

1-блок: математика фанидан 25 та савол, максимал — 25 балл;

2-блок: она тили фанидан 25 та савол, максимал — 25 балл;

3-блок: Ўзбекистон тарихи фанидан 10 та савол, максимал — 10 балл.

Барча фанлар бўйича максимал — 60 балл йиғилади.

Саволлар китобидаги тест саволларининг сони 60 та, уларни ечиш учун 1 соат 50 дақиқа вақт ажратилади, жавоблар варақасини тўлдириш учун яна қўшимча 20 дақиқа вақт ажратилади.

52. Ҳар бир саволга 4 та («А», «В», «С», «D») жавоблар варианты берилган бўлиб, чақирилувчи фақат улардан биттасини белгилаши, кейинчалик жавоблар варақасининг мос фан блокадаги доирачани бўяши керак, ҳар бир саволга битта жавоб белгиланиши шарт.

53. Жавоблар варақаси чақирилувчи томонидан кўк (ҳаворанг) пастали шарикли ручка билан тўлдирилади.

Жавоблар варақасида тегишли доирачаларни нотўғри белгилаган, жавоблар варақасини алмаштирган, фан блоклари ўрнини алмаштириб бўяган, жавоблар варақасининг тегишли блокларида фамилияси, исми ва отасининг исмини ёзмаган, имзо қўймаган, жавоблар варақаси рақамларини бўяган чақирилувчиларнинг эътирози кўриб чиқилмайди.

Тўлдирилган жавоблар варақаси чақирилувчининг билим даражасини белгиловчи асосий ҳужжат ҳисобланади.

54. Чақирилувчи тест синовларига микрокалькулятор, луғат, жадвал, китоб, мобиль телефон, компьютер, телекоммуникация воситалари ва шпаргалкалар олиб киришга ҳаракат қилса ёки олиб кирган бўлса, тест синовлари давомида тест материалларини бошқа чақирилувчига узатса ёки ёрдам берса, тест синови учун ажратилган вақт тугагандан кейин тест материалларини топширишдан бош тортса, тест материалларини аудиториядан ташқарига чиқарса, саволлар китоби варақасини йиртса тест синовлари ўтказиш тартибини бузган ҳисобланади ҳамда тест синовларини мувофиқлаштирувчи иштирокида аудитория раҳбари ва кузатувчилар томонидан мазкур Низомнинг 12-илоvasида келтирилган шаклга мувофиқ далолатнома тузилади ва чақирилувчи тест жараёнидан четлаштирилади.

55. Тест синовларини топшириш вақтида чақирилувчининг аудиториядан чиқиши тақиқланади. Аудиториядан сабабсиз чиққан чақирилувчилар

такроран тест синовларига қўйилмайди, бундан соғлиғининг ёмонлашуви ва бошқа узрли ҳолатларга кўра тест материалларисиз, аудитория кузатувчиси назорати остида аудиториядан чиқиш ҳолатлари мустасно.

56. Аудитория раҳбари ажратилган вақт тугаганлиги, жавоблар варақасининг мос равишда фан блокларидаги доирачаларга бўяш учун қўшимча равишда ажратилган 20 дақиқа бошланганлигини эълон қилганда, чақирилувчилар саволлар китоби билан ишлашни тўхтатиб, жавоблар варақасининг мос равишдаги фан блокларидаги доирачаларни бўяшни бошлаши, ажратилган қўшимча вақт тугагани эълон қилинганда жавоблар варақаси билан ишлашни тўхтатиши шарт.

57. Тест материаллари Давлат тест марказига олиб келинганидан кейин натижа етти иш кунда ҳисобланади.

Давлат тест маркази уч иш кун ичида тест синови натижаларини Давлат фельдъегерлик хизмати орқали мудофаа ишлари бошқармаларига етказилади. Тест синови натижалари тест синовларини мувофиқлаштирувчи томонидан мудофаа ишлари бошқармаларидан қабул қилиб олинади ва шу куннинг ўзида мудофаа ишлари бўлимларига етказилади.

Тошкент шаҳри ва Тошкент вилоятида тест синови натижалари чиқарилган кунда тест синовларини мувофиқлаштирувчи томонидан Давлат тест марказидан қабул қилиб олинади ҳамда шу куннинг ўзида мудофаа ишлари бўлимларига етказилади.

58. Мудофаа ишлари бўлимлари тест натижаларини икки иш кунда эълонлар тахтасига жойлаштиради.

59. Давлат тест маркази тест синови ўтказиш жадвалида белгиланган кундан уч кун олдин, чақирилувчиларнинг рўйхати, уларнинг сонига асосан тенг миқдордаги чақирилувчиларнинг рухсатномалари, саволлар китоби, жавоблар ва титул варақаларини Давлат фельдъегерлик хизмати орқали, Тошкент шаҳри ва Тошкент вилоятида эса тест синовларини мувофиқлаштирувчи орқали бевосита тегишли мудофаа ишлари бошқармаларига етказилади.

60. Тест синовлари мазкур Низом талаблари асосида ташкил этилмаса, Давлат тест маркази ходимлари томонидан тест синовлари бекор қилинади ва тест синовларини мувофиқлаштирувчи иштирокида далолатнома расмийлаштирилади.

5-боб. Тест синовларини мувофиқлаштирувчининг вазифалари

61. Тест синовларини мувофиқлаштирувчи тест синови ўтказиш жадвалида белгиланган кундан уч кун олдин Давлат фельдъегерлик хизмати орқали, Тошкент шаҳри ва Тошкент вилоятида эса Давлат тест марказидан тўғридан-тўғри тест топширувчиларнинг рўйхатини, уларнинг сонига тенг миқдорда чақирилувчи рухсатномаларини, саволлар китобларини, жавоб варақаларини ҳамда титул варақаларини қабул қилиб олади.

62. Тест синовларини мувофиқлаштирувчи тегишли ҳудуд бўйича тест жараёнини ташкиллаштиради ва унга умумий раҳбарлик қилади.

63. Тест синовларини мувофиқлаштирувчи тест синовларининг ўз вақтида бошланиши ва тугашини қатъий назорат қилади, тест синовларини адолатли, холисона ва белгиланган талаблар асосида ўтишини таъминлайди.

64. Тест синовларини мувофиқлаштирувчи тест жараёни бошланишидан аввал аудитория раҳбари ва кузатувчилари билан тест синовини ўтказиш бўйича тушунтириш ўтказилади. Тест синовлари жараёнида муаммолар бўлганда, зудлик билан Давлат тест марказининг вилоятлардаги доимий вакиллари ёки Давлат тест маркази билан боғланади, муаммони ҳал этиш чораларини кўради.

65. Тест синовларини мувофиқлаштирувчи ҳар ҳафтанинг жума куни тест топширувчиларнинг сонига тенг миқдордаги саволлар китоблари, жавоблар варақалари ва титул варақалари пакетларини муҳрланган ҳолда Давлат фельдъегерлик хизмати орқали, Тошкент шаҳри ва Тошкент вилоятида эса тўғридан-тўғри Давлат тест марказига етказилади.

6-боб. Аудитория раҳбари ва кузатувчиларининг вазифалари

66. Аудитория раҳбари ва кузатувчилари тест синовида жамоатчилик асосида иштирок этади.

67. Тест синови ўтказиладиган аудиторияда тест синовининг мазкур Низом талабларига қатъий риоя этилган ҳолда тўғри ва адолатли ўтказилишини таъминлаш юзасидан жавобгарлик аудитория раҳбари ва кузатувчиларининг зиммасига юкланади.

68. Аудитория раҳбари ёки кузатувчиси тест синовларини ўтказиш тартибини бузган тақдирда, улар тест синовларини мувофиқлаштирувчи томонидан тест синовидан четлаштирилади ва далолатнома расмийлаштирилади.

69. Аудитория раҳбари аудитория кузатувчисининг фаолиятини назорат қилади.

70. Аудитория раҳбари чақирилувчиларни фуқаролик паспорти ва чақирилувчи рухсатномаси асосида текшириб (расмлар шу чақирилувчига тегишлилигига ишонч ҳосил қилиб), рўйхат асосида аудиторияга киритади, тест синови бошланишига етиб келмаган чақирилувчиларни рўйхатга «қатнашмади» деб киритади.

71. Аудитория кузатувчиси жавоблар варақалари ва жавоблар варақаси рақамига мос рақамли саволлар китобларини ҳамда титул варақаларини чақирилувчиларга тарқатади.

72. Аудитория раҳбари чақирилувчиларга саволлар китобининг рақами билан жавоблар варақасининг рақами мослигини ҳамда тест материаллари нуқсонсизлигини текшириб чиқишларини, жавоблар варақаси ва саволлар китоби муқовасида кўрсатилган тегишли жойга фамилияси, исми, отасининг исмини ёзиб, имзо қўйишлари тўғрисида кўрсатма беради ва уларга тест

синовлари топшириш тартибини тушунтиради ва тест синови бошланишини эълон қилади.

73. Аудитория раҳбари белгиланган вақт ўтгандан сўнг чақирилувчиларга тест синовларига ажратилган вақт тугаганлигини эълон қилади ва чақирилувчилардан тест материалларини топширишларини талаб қилади.

74. Аудитория раҳбари тест материаллари йиғиб олингандан сўнг саволлар китоби ва жавоблар варақасига шикаст етмаганлигини текшириб, чақирилувчи рухсатномасининг тегишли жойини тўлдириб, имзо қўяди ҳамда чақирилувчиларга тест материаллари топширилганлигини тасдиқлаш мақсадида чақирилувчиларнинг рўйхатига имзо қўйдириб, уларни аудиториядан чиқаради.

75. Аудиториядаги барча жавоблар варақаларининг жавоблар варақалари пакетига солиниши учун аудитория раҳбари ва кузатувчиси шахсан жавобгар ҳисобланади. Жавоблар варақаси пакетига қуйидагилар солинади:

тестда қатнашган чақирилувчиларнинг жавоблар варақалари;
ишлатилмаган жавоблар варақалари;

тест синовидан четлаштириш тўғрисидаги расмийлаштирилган далолатномалар, тест синовидан четлаштирилганларнинг жавоблар варақалари ва титул варақалари;

нуқсонли тест материаллари бўйича расмийлаштирилган далолатномалар;

тест синовига келмаган чақирилувчиларга тегишли титул варақалари.

76. Аудитория раҳбари титул варақалари пакетига тест синовидан қатнашган чақирилувчиларнинг титул варақалари ва чақирилувчиларнинг рўйхатини солиб, аудитория кузатувчилари ва чақирилувчилар гувоҳлигида Давлат тест марказининг муҳри билан муҳрлайди ҳамда пакет устидаги маълумотларни тўлиқ расмийлаштиради.

Аудитория раҳбари тест синови тугагандан сўнг тест материалларини тест синовларини мувофиқлаштирувчига топширади.

7-боб. Тест синовлари натижаси бўйича берилган апелляцияларни кўриб чиқиш

77. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларининг тегишли қарори билан мудофаа ишлари бошқармаларида апелляция мурожаатларини кўриб чиқиш бўйича апелляция комиссияси ташкил этилади.

78. Комиссия таркибига тест синовларини мувофиқлаштирувчи, умумтаълим ва ўрта махсус, касб-ҳунар таълими муассасаларидан фанлар бўйича мутахассислар киритилади. Мудофаа ишлари бошқармаси бошлиғи апелляция комиссияси раиси ҳисобланади.

79. Тест синовлари натижасидан норози бўлган чақирилувчи тест синовлари натижаси эълон қилингандан кейин уч иш кун давомида мудофаа ишлари бошқармасида ташкил этилган апелляция комиссиясига ёзма равишда

мазкур Низомнинг 13-иловасига мувофиқ тест натижалари бўйича апелляция шикоятни бериш ҳуқуқига эга.

80. Апелляция шикоятига қақрилувчи рухсатномасининг нусхаси илова қилинади. Апелляция шикоятни қабул қилинганлиги тўғрисида қақрилувчига мазкур Низомнинг 13-иловасига мувофиқ шаклда хабарнома берилади.

81. Қақрилувчи томонидан жавоблар варақаси, саволлар китоби, титул варақаси мазкур Низомда белгиланган тартибда тўлдирилмаган, шунингдек қақрилувчи тест синовидан четлаштирилган бўлса, шунингдек хабарномада белгиланган кун ва вақтда етиб келмаган қақрилувчининг апелляция шикоятни кўриб чиқилмайди.

82. Апелляция комиссияси апелляция шикоятини қабул қилиб олган куни Давлат тест марказига апелляция шикоятининг нусхаларини юборади.

83. Давлат тест маркази апелляция шикоятини қабул қилган куни апелляция шикоятни асосида қақрилувчиларга тест синови жараёнида тушган саволлар китоби ва жавоблар варақасининг нусхаларини ҳамда тест синовида йўл қўйган нотўғри жавоблари рўйхатини апелляция комиссиясига юборади.

84. Апелляция комиссияси апелляция шикоятини кўриб чиқиш жараёнида Давлат тест маркази вакиллари ҳамда аудитория раҳбари ва кузатувчиларини уларга тегишли масалалар бўйича жалб қилишга ҳақли.

85. Апелляция шикоятни кўрилатган қақрилувчига тест синови жараёнида тушган саволлар китоби ва жавоблар варақасининг нусхаларини ҳамда тест синовида йўл қўйган нотўғри жавоблари рўйхати берилади.

86. Тақдим этилган ҳужжатлар асосида қақрилувчи ўзининг тўлиқ таҳлилини (асосланган ҳолда, яъни мисол ва масалаларни ечган ҳолда) ёзма равишда баён қилади ва қабул қилинган тест материаллари билан бирга апелляция комиссиясига топширади.

87. Апелляция комиссияси икки иш куни давомида апелляция шикоятини кўриб чиқади. Апелляцияни кўриб чиқиш натижаси бўйича баённома тузилади ҳамда баённома апелляция комиссияси раиси ва аъзолари томонидан имзоланади. Апелляция комиссиясининг баённомасидан кўчирма қақрилувчига топширилади. Апелляция комиссияси қарори Давлат тест марказига тақдим этилади.

88. Апелляцияни кўриб чиқиш натижалари бўйича апелляция комиссияси қарори юзасидан қақрилувчи қонун ҳужжатларида белгиланган тартибда судга шикоят қилиши мумкин.

8-боб. Якуний қоидалар

89. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавобгар бўладилар.

90. Мазкур Низом Ўзбекистон Республикаси Ички ишлар вазирлиги, Соғлиқни сақлаш вазирлиги, Меҳнат вазирлиги, Халқ таълими вазирлиги

хамда Олий ва ўрта махсус таълим вазирлиги Ўрта махсус, касб-хунар таълим маркази билан келишилган.

Ички ишлар вазири

А. АХМЕДБАЕВ

2016 йил 26 май

Соғлиқни сақлаш вазири

А. АЛИМОВ

2016 йил 26 май

Меҳнат вазири

А. АБДУХАКИМОВ

2016 йил 26 май

Халқ таълими вазири

У. ИНОЯТОВ

2016 йил 26 май

*Олий ва ўрта махсус таълим
вазирининг биринчи ўринбосари,
Ўрта махсус, касб-хунар таълими
маркази директори*

У. САЛИМОВ

2016 йил 26 май

Муддатли ҳарбий хизматга чақириладиган
 чақирилувчилар танловини ўтказиш
 тартиби тўғрисидаги низомга
 1-ИЛОВА

**Тест синовларини ўтказиш
 ЖАДВАЛИ**

Т/р	Худуд номи	Жами	Тест синови ўтказиш кунлари								
			___ октябрь				___ октябрь				ва ҳ. к.
			жами	ўзбек	рус	қорақалпоқ	жами	ўзбек	рус	қорақалпоқ	
1.											
2.											
3.											
4.											
5.											
6.											
7.											
8.											
9.											
10.											
ва ҳ.к.											
	Жами										

_____ (лавозими, имзоси, фамилияси, исми, отасининг исми)

20__ йил «__» _____.

Муддатли ҳарбий хизматга чақирилаётган
чақирилувчилар танловини ўтказиш тартиби
тўғрисидаги низомга
2-ИЛОВА

1-шакл

**Аудитория раҳбарларининг
РЎЙХАТИ**

Т/р	Худудлар номи	Фамилияси, исми, отасининг исми	Фуқаролик паспорти серияси ва рақами	Иш жойи	Лавозими	Телефон рақамлари			Изоҳ
						ишхона	мобиль	уй	
1.									
2.									

(лавозими, имзоси, фамилияси, исми, отасининг исми)

2-шакл

**Кузатувчиларнинг
РЎЙХАТИ**

Т/р	Худудлар номи	Фамилияси, исми, отасининг исми	Фуқаролик паспорти серияси ва рақами	Иш жойи	Лавозими	Телефон рақамлари			Изоҳ
						ишхона	мобиль	уй	
1.									
2.									

(лавозими, имзоси, фамилияси, исми, отасининг исми)

Муддатли ҳарбий хизматга чақириладиган
чақирилувчилар танловини ўтказиш тартиби
тўғрисидаги низомга
3-ИЛОВА

**Тест синовлари ўтказилиши режалаштирилган бинолар тўғрисидаги
МАЪЛУМОТ**

Т/р	Туман (шаҳар) номи	Бино номи	Бино манзили	Аудиториялар сони	Тест синовлари ўтказилиши режалаштирилган хоналарнинг сифими ва сони			Чақирилувчилар сони	Тест синовлари ўтказиш вақти
					30 талик	60 талик	жами		
1.									
2.									
3.									
ва х. к.									

(лавозими, имзоси, фамилияси, исми, отасининг исми)

Муддатли ҳарбий хизматга чақириладиган
чақирилувчилар танловини ўтказиш тартиби
тўғрисидаги низомга
4-ИЛОВА

Тест синовларини мувофиқлаштирувчи сифатида тайинланганлар
РЎЙХАТИ

Т/р	Худуд номи	Мувофиқлаштирувчининг			Офицернинг шахсий гувоҳномаси		Телефон рақамлари		Изоҳ
		лавозими	ҳарбий унвони	Ф.И.О.	серияси	рақами	иш	мобиль	
1.									
2.									
3.									
4.									

(лавозими, ҳарбий унвони, имзоси, фамилияси, исми, отасининг исми)

Муддатли ҳарбий хизматга чақириладиган
 чақирилувчилар танловини ўтказиш
 тартиби тўғрисидаги низомга
 5-ИЛОВА

355-модда

**Чақирилувчиларнинг умумжисмоний тайёргарлик даражасини баҳолаш бўйича синовлар ўтказиш
 ЖАДВАЛИ**

Т/р	Худуд номи	Жами	Сентябрь					Октябрь					ва ҳ. к.					
			жами				ва ҳ. к.	жами				ва ҳ. к.					ва ҳ. к.	
1.																		
2.																		
3.																		
...																		
Жами																		

(лавозими, ҳарбий унвони, имзоси, фамилияси, исми, отасининг исми)

20 ____ йил « ____ » _____

— 32 —

29 (737)-сон

Муддатли ҳарбий хизматга чақириладиган
чақирилувчилар танловини ўтказиш тартиби
тўғрисидаги низомга
6-ИЛОВА

Муддатли ҳарбий хизматга чақириладиган чақирилувчига ЭСЛАТМА

1. Тест синовларига микрокалькулятор, луғат, жадвал, китоб, мобил телефон, алоқа воситалари ва шпаргалкаларни олиб кириш тақиқланади.

2. Тест вақтида чақирилувчилар:

саволлар китоби ва жавоблар варақасини олгандан сўнг жавоблар варақаси рақами билан саволлар китоби рақами мослигини синчиклаб текшириб чиқади. Саволлар китобининг тест саволларида типографик хато ёки бошқа сабабларга кўра тўла нашр қилинмаган ўринлар ёки бетлар бўлса, дарҳол аудитория раҳбарига хабар беради. Бунда тегишли далолатнома тузилиб, нуқсонли саволлар китоби унга илова қилинади ва чақирилувчи навбатдаги тест синовида киритилади;

жавоблар варақасини тўлдиришда чақирилувчи фақат кўк (хаворанг) пастали шарикли ручкадан фойдаланади. Фломастер ва сиёҳли авторучка ва гел ручкадан фойдаланиш ман этилади;

чақирилувчи ўзи ҳақидаги маълумотлар (фамилияси, исми ва отасининг исми)ни жавоблар варақасининг тегишли қисмига ёзади ва имзо қўяди;

чақирилувчи жавоблар варақасининг рақамини чақирилувчи рухсатномасига кўчириб ёзади.

3. Ҳар бир тест саволига фақат битта жавоб белгиланади. Агар битта саволга икки ёки ундан кўп жавоб белгиланса, ушбу жавобга балл берилмайди.

4. Тест синовлари қуйидаги фанлардан ўтказилади ва ҳар бир тўғри жавобга 1 балл берилади:

1-блок математика фанидан 25 та савол, максимал — 25 балл;

2-блок она тили фанидан 25 та савол, максимал — 25 балл;

3-блок Ўзбекистон тарихи фанидан 10 та савол, максимал — 10 балл.

Барча фанлар бўйича максимал — 60 балл йиғилади.

Берилган 60 та саволга жавобларни танлаш учун 1 соат 50 дақиқа вақт ажратилади.

Чақирилувчи ўзи танлаган жавобларини жавоблар варақасининг тегишли блокига мос равишда кўчиради. Бунинг учун тестга ажратилган вақтдан ташқари 20 дақиқа вақт берилади.

5. Тўлдирилган жавоблар варақаси чақирилувчининг билим даражасини белгиловчи асосий ҳужжатдир.

6. Жавоблар варақасининг тўғри тўлдирилиши учун чақирилувчи шахсан жавобгардир.

7. Жавоблар варақасида тегишли доирачаларни нотўғри белгилаган, жавоблар варақасини алмаштирган, фан блоклари ўрнини алмаштириб бўя-

ган, жавоблар варақасининг тегишли блокларида фамилияси, исми ва отасининг исмини ёзмаган, имзо қўймаган, жавоблар варақаси рақамларини бўяган чақирилувчиларнинг эътирози кўриб чиқилмайди.

8. Тест синови пайтида чақирилувчининг аудиториядан чиқиши тақиқланади. Аудиториядан сабабсиз чиққан чақирилувчилар қайтадан тест синовларига қўйилмайди, бундан соғлиғининг ёмонлашуви ва бошқа узрли ҳолатларга кўра тест материалларисиз, аудитория кузатувчиси назорати остида аудиториядан чиқиш ҳолатлари мустасно.

9. Тест давомида чақирилувчининг бир-бири билан гаплашиши, жавобларни бир-бири билан маслаҳатлашиши, жавобларни бир-бирига кўрсатиши, тест материалларини бошқаларга узатиши, тест ҳужжатларидан нусха кўчириши ва бошқаларга ёрдам бериши тақиқланади.

10. Чақирилувчи мазкур қоидаларга риоя қилмаса, у тест синовларини ўтказиш тартибини қўпол равишда бузган ҳисобланади ва далолатнома тузилиб, тест синовидан четлаштирилади.

11. Чақирилувчиларнинг тест натижалари бўйича эътирозлари муҳофаа ишлари бошқармалари томонидан қабул қилинади.

Муддатли ҳарбий хизматга чақириладиган
 чақирилувчилар танловини ўтказиш тартиби
 тўғрисидаги низомга
 7-ИЛОВА

**Чақирилувчиларнинг умумжисмоний тайёргарлик даражасини баҳолаш бўйича
 РЎЙХАТ**

20__ йил «__» _____

Т/р	Фамилияси, исми, отасининг исми	Туғилган йили	Нормативлар номи						Жами балл	Чақири- лувчи имзоси
			3 000 метрга югуриш		Турникда тортилиш		100 метрга югуриш			
			12,45 дақиқа ичида = 5		11 марта = 5		14,2 сония ичида = 5			
			12,46 — 13,0 дақиқа ичида = 4		9 — 10 марта = 4		14,3 — 14,6 сония ичида = 4			
13,1 — 13,35 дақиқа ичида = 3		6 — 8 марта = 3		14,7 — 15,8 сония ичида = 3						
13,36 дақиқа ва ундан юқори = 0		5 ва ундан кам = 0		15,9 сония ва ундан юқори = 0						
натижа		баҳо		натижа		баҳо				
1										
2										

_____ (ҳарбий унвони, имзоси, фамилияси, исми, отасининг исми)

_____ (ҳарбий унвони, имзоси, фамилияси, исми, отасининг исми)

_____ (имзоси, фамилияси, исми, отасининг исми)

Муддатли ҳарбий хизматга чақириладиган
чақирилувчилар танловини ўтказиш
тартиби тўғрисидаги низомга
8-ИЛОВА

355-модда

**Тест синовида қатнашувчи чақирилувчиларнинг
РЎЙХАТИ**

20__ йил «_____» _____

Т/р	Вилоят (республика) коди	Туман (шаҳар) коди	Фамилияси, исми, отасининг исми	Изоҳ
1.				
2.				
...				

_____ (лавозими, имзоси, фамилияси, исми, отасининг исми)

— 36 —

29 (737)-сон

Муддатли ҳарбий хизматга чақириладиган
чақирилувчилар танловини ўтказиш
тартиби тўғрисидаги низомга
10-ИЛОВА

МУДДАТЛИ ҲАРБИЙ ХИЗМАТГА ТАНЛОВ ВАРАҚАСИ

№ _____

Чақирилувчи _____
(фамилияси, исми, отасининг исми)

_____ (тутилган жойи, йили, ойи ва куни)

Ҳарбий ҳисобда турган жойи _____
(мудофаа ишлари бўлими номи)

I. Давлат тест маркази

1	Билим даражаси	Она тили —	балл	Балларнинг умумий сони — _____
		Математика —	балл	
		Ўзбекистон тарихи —	балл	

II. Мудофаа ишлари бошқармаси ва бўлими

2	Умумжисмоний тайёргарлик даражаси	3 000 м. югуриш (дақиқа сония)	балл	Балларнинг умумий сони — _____
		Турникда тортилиш (марта)	балл	
		100 м. югуриш (сония)	балл	

ЖАМИ УМУМИЙ БАЛЛАР _____
(балл)

_____ мудофаа ишлари бўлими бошлиғи
(туман ёки шаҳар номи)

_____ (ҳарбий унвони, имзоси, исми ва фамилияси)

20__ йил «__» _____

М.Ў.

_____ мудофаа ишлари бошқармаси бошлиғи
(республика, вилоят ёки шаҳар номи)

_____ (ҳарбий унвони, имзоси, исми ва фамилияси)

20__ йил «__» _____

М.Ў.

Муддатли ҳарбий хизматга чақириладиган
 чақирилувчилар танловини ўтказиш
 тартиби тўғрисидаги низомга
 11-ИЛОВА

**Тест синовларида қатнашувчи чақирилувчиларнинг аудитория
 РЎЙХАТИ**

20__ йилнинг «__» _____

Т/р	Фамилияси, исми, отасининг исми	Жавоблар варақасининг рақами	Имзо	Изоҳ
1.				
2.				
3.				
4.				
5.				
6.				
7.				
8.				
9.				
10.				
ва ҳ. к.				

Аудитория раҳбари _____
 (имзо, фамилияси, исми, отасининг исми)

Аудитория кузатувчиси _____
 (имзо, фамилияси, исми, отасининг исми)

Муддатли ҳарбий хизматга чақириладиган
чақирилувчилар танловини ўтказиш тартиби
тўғрисидаги низомга
12-ИЛОВА

Тест ўтказиладиган таълим муассасаси номи	Бино	Қават	Гуруҳ

**Тест синовидан четлаштириш тўғрисида
ДАЛОЛАТНОМА**

20__ йил «__» _____
(далолатнома тузилган жой номи)

Биз, қуйида имзо чекувчилар шунини тасдиқлаймизки, чақирилувчи

_____ (фамилияси, исми, отасининг исми)

махсус коди _____, жавоблар варақаси рақами _____

_____ (тест синовларининг бузилган қондаси)

соат _____: _____ дақиқада тест синовидан четлаштирилди.

1. Аудитория раҳбари _____ (фамилияси, исми, отасининг исми) _____ (имзо)

2. Аудитория кузатувчиси _____ (фамилияси, исми, отасининг исми) _____ (имзо)

3. Тест синовларини мувофиқлаштирувчи _____ (фамилияси, исми, отасининг исми) _____ (имзо)

Изоҳ: мазкур далолатнома чақирилувчининг жавоблар варақаси ва титул варақаси билан биргаликда елимланиб, жавоблар варақаси пакетига солинади.

29 (737)-сон

— 41 —

355-модда

Муддатли ҳарбий хизматга чақириладиган
чақирилувчилар танловини ўтказиш тартиби
тўғрисидаги низомга
13-ИЛОВА

Апелляция комиссияси раисига

_____ (чақирилувчининг Ф.И.О. ва яшаш манзили)

_____ (уй, мобил телефонлари рақамлари)

**ТЕСТ НАТИЖАЛАРИ БЎЙИЧА
АПЕЛЛЯЦИЯ ШИКОЯТИ**

Худуд номи	Туман (шаҳар) номи	Гуруҳ	Махсус коди	Жавоблар варақаси рақами

Менинг қуйидаги эътирозларимни кўриб чиқишингизни сўрайман:

1. _____
2. _____
3. _____
4. _____
5. _____

_____ (чақирилувчи Ф.И.О.)

_____ (имзо)

_____ (сана)

Ариза 20__ йил «__» _____ соат _____ да кўриб чиқилади.

_____ (ариза қабул қилувчи Ф.И.О.)

_____ (имзо)

_____ (сана)

М.Ў.

(қирқиш чизиғи)

355-356-моддалар

— 42 —

29 (737)-сон

ХАБАРНОМА _____-сон

Хурматли _____
(абитуриентнинг Ф.И.О.)

Аризангизни кўриб чиқиш учун 20__ йил «__» _____ соат ____да
_____ га фуқаролик паспорти
(таълим муассасаси номи)

ва чақирилувчи рухсатномангиз билан етиб келишингиз сўралади.

20__ йил «__» _____
(ариза қабул қилувчининг Ф.И.О.) (имзо)